

Tsjerdelfziel

(met onder-melodie uit Mozarts Requiem: Lacrimosa) - 3 -

Zaike minsen kriegen mismoakte kinder

en jonge daaier swellen aan de kop.

In Tsjernobyl wodt t leven aal mor minder,

t dodental lopt onrustboarend op.

Boven diek van Oterdom kwaalmt gele ~~smook~~ smook.

Kleur van swoavel, as k mie nait vergis.

Zeg aalnduvel nait: verdunde smook.

Ik roek ja voele aaier, rödde vis!

Mor\_wat\_zeggen\_hoge\_heren\_den...

„Leuf nait wat linkse kraande schrift.

Komt de wind oet dij houk? Gain gevoar!

Kaans is groot, dat gaswolk over drift.

Pakt de Dollerd hom, den binve kloar!<sup>33</sup>

refraain:

Zo wied vot, doar kinve nait om treuren

haile gunt, in Tsjernobyl

mor het zel mor kört bie hoes gebeuren

bievubbeld bie Delfziel.

keplet:

2.  
Riggel om t laand van A-A-grunol  
mit ôfval, gif en gier van mizzebult  
kin makkelk menneg zoltgat vol.  
Wel's de klos, as vaaileghaid joe kult?  
Stoareg, aan koom wie van drop in regen,  
wodt klinzebak zien inhold zoer.  
Gain wet van Alders holdt dat tegen.  
loat stoan n parreplu van Pelleboer!

En\_wat\_zeggen\_hoge\_heren\_den...

„Loat mor waaien, most nait soezen.  
Wind dut t waark wel, da's gain vroag,  
deur dij staankwolk vot te b~~iezen~~<sup>roezen</sup>.  
Ofzoegkap is gat in ozonloag!''

\_refraain:

Zo wied vot, doar kinve nait om treuren  
haile gunt, in Tsjernobyl  
mor het zel mor kôrt bie hoes gebeuren  
bievubbeld bie Delfziel.

3  
1  
keplet:

Aal wat lozege febrieksmeneren  
chemies of plutonies moaken loaten,  
is om t ons as 'neudeg' aan te smeren,  
joa, zuls as onmisbaar aan te proaten.  
Wel gif teveul loost, mout terin stinken.  
Het pervinzie doarvan den ook wait?  
Wie worden straft: gain wotter drinken.  
En wel krigt ter n Dow? Chemical nait!

en wat zeggen hoge heren den:

-, Loat wie t wotter makkelk lopen  
roak wie rotzooi mooi op Dollerd kwiet.  
Zet we toch de sluus van Raaide open.  
Dat dij dainst dut, wodt ook tied!''

refraain:

Komt wind oet t westen noar ons waaid,  
den holdt joe mor trankiel  
mor as e noar t noordoosten draait...  
hest kaans op Tsjerdelfziel

*part* en loater nog debiel...